



Гүлназымның да айтары бар. «Бұғінгі күні біз шамамызың келгенше, халыққа ежелден келе жатқан өнеріміздің насыхаттап келеміз. Бұрынғыдай емес, қызығушылық жоғары. Тіпті, соңымнан ерген әр облыста шәкіртерім де бер. Үнемі шеберлік сабағын өткізіп келемін. Сондықтан, халықтың сұранысы әрі қызығушылығына орай Астанада шеберхана ашсам деймін. Бірақ оған қаржылық жағынан қолбайлау болып тұр. Сол жерде арнайы үйірме ашып, жастарды тәрбиесем деген жоспарым бар», – дейді шебер қыз. Сондай-ақ ою-өрнекті композицияға айналдырып, этно-модерн стилінде кесте тігетін Гүлназым «Технология дамыған бүгінгідей заманда атадан балаға дейін жалғасып келе жатқан өнерімізден айрылып қалмайық десек, үлттық нақышын жоғалтпай, бұғінгі заманға лайықтауымыз қажет. Ол үшін жастар көп еліктейтін әнші, өнер адамдарының киімдерін кестелесек деп ойлаймын. Жуықта осындағы жобаны қолға алмақшымын», – дейді. Гүлназым Өмірзаққызының өнеріне елімізде ғана емес, шетелде де қызығушылық жоғары.

11 маусымнан 10 қыркүйекке дейін жұмыс істейтін шағын қалашықта 40 киіз үй, үлттық тағам мейрамханасы, концерт залы, балалар алаңы бар. Қазақ халқының үлттық болмысы мен өзіндік ерекшелігін танығысы келген қонақтар бұл ауылға міндетті түрде ат басын бүратыны анық. Ал келген қонақтар үшін бұл жерде тамашалайтын дүние өте көп.

Айбарша ЖАҚСЫЛЫҚ

## ҚАЗАҚСТАН РЕСПУБЛИКАСЫ МЕМЛЕКЕТТІК ОРТАЛЫҚ МҰРАЖАЙЫНДА ӨТКЕН АУҚЫМДЫ ІС-ШАРА

Қазақстан Республикасының Мемлекеттік Орталық мұражайы – тек Қазақстанның ғана емес, бүкіл Орталық Азия аймағындағы ең көне және ірі мұражайлардың бірі. Оның қоры 300 мыңға жуық материалдық және рухани мәдениет құндылықтарынан тұрады.

Қазақстан Республикасы Мемлекеттік Орталық мұражайы 2017 жылдың 19 мамырында Халықаралық мұражайлар күні мерекесіне арналған «Мұражай түні – 2017: Мұражайлық құндылықтарға тіл біткенде» атты іс шарасын еткізді.

2006 жылдан бері музей қызметкерлерімен ірі ауқымды «Мұражай түні» – халықаралық ірі әлеуметтік акция өткізіліп келеді. Акцияның басты ерекшелігі қала тұрғындары мен қонақтарға мұражайды тұнгі уақытта тамашалауға мүмкіндік береді. Бұл түні мұражайдың есігі барлық қөрермендер





үшін ашық. Он екінші мәрте өткізіліп отырған іс-шарада Мұражай қорынан және жеке коллекциялар негізінде алынған жаңа көрмелер үйімдастырылып, тың идеялар мен қызықты шығармашылық ойлар жүзеге асырылды. Тарихи-мәдени мұраларға арналған бірегей шаралар мен бағдарламаларды үйімдастыру арқылы тарихи-мәдени құндылықтарды дәріппет, мәдениет дамуына өз үлесін қости деуге болады. Осы уақыт ішінде бұл шара Алматы қаласының мәдени өмірінде аса тартымды және асыға күтептің жарқын шараға айналды.

Іс-шараны Мемлекеттік орталық мұражай директоры Нұрсан Әлімбай ашып, одан кейін шараның бас демеушісі «Positive life» директоры Сергеева Юлияға сөз берілді. Одан кейін Ж. Елебеков атындағы эстрадалық-цирк колледжі, П. И. Чайковский атындағы Алматы музика колледжі, Kaz Kids Dans би студиясы (жетекшісі Дубинчик Наталья); Боровикова Валентина Анатольевнаның жетекшілігіндегі музикалық джаз мектебінің Twinkle jazz ансамблі; Саксофонда ойнаушы Тұрсынбеков Қайрат; Т.Жүргенов атындағы Қазақ Ұлттық Академиясының хореография факультетінің студенттік би театры үсынған «Asian students dance-ASD» «Би империясы» өнер көрсетіп, О. Таңсықбаев атындағы сәндік-қолданбалы өнер колледжінің студенттері жаңа «Қиял» және «Триумф» этникалық коллекцияларын үсынды. Сонымен бірге, еліміздің М. Лермонтов атындағы Мемлекеттік Академиялық орыс драма театрының өнер майталмандары жылы лебіздерін жеткізіп, спектакль билеттеріне ұтыс ойындарын үйімдастырды. Мерекелік кештің жүргізушилері танымал шоумендер Мұрат Оспанов, Даниель Джеймс және Марселен Камате мерекелік кешке сән берді.

Жарқын да тартымды ШОУ-БАҒДАРЛАМА мұражайға келушілердің көңілін көтерді: «Positive life Stydio», «Tesla art laboratory» компаниялары проекторлық, пиксельді, жарықдиодты картиналарын үсынып; Швециялық қонақтардан құттықтау ретінде - Перформанс «Каспий теңізіндегі Викингтер» және «Baidaralin Studio» қазақ садақшылары; «Tribal Pro», «Dance Stydio», «Cuban Mix» би шоуы; «Империал», «Сейшн» шоу-балеті; «Алматы Барабандары» шоуы; «Fire Sunset» ком-

паниясынан от шашу, «Big bubble» компаниясынан сабынды көпіршіктер шоуы; «Лимпопо» компаниясынан ғылыми шоу үсындылып; ағаш аяқты өнерпаздар; сиқырьши Михаил Гутторов және «Город сказки» компаниясынан VR-көзілдірік, сондай-ақ тарихи образдардағы «Жанды мүсіндер» мерекелік салтанатқа аса көнілді сән берді.

Бұл түні Мұражай қызметкерлері алматылықтар мен онтүстік қала қонақтарының назарына мынадай сан алуан қызыққа толы интерактивті бағдарламалар және жанды қойылымдарды үсынды: түрлі тарихи дәуірлердің түлғалары – андронов мәдениетінің әйелі мен сақ ханшайымы Томирис Қазақстанның ежелгі және ортағасырлық тарихымен таныстырыса, тарихи этнография залында «Қазақ батырлары» қылышпен сайысу өнерін көрсетті, «Қазақтың абыз-қариясы», қазақ өртегілерінен алынған «Шебер-Әже кепінімен бірге»; сондай-ақ Алматы қаласындағы этномәдени бірлестіктердің өкілдері өздерінің ұлттық киімдері мен дәстүрлі мәдениеттерін келушілер назарына паш етті.

ИНТЕРАКТИВТІ ЭКСПОЗИЦИЯЛАРДА мұражайға келушілер ежелгі дәуірден қазіргі заманға дейінгі тарихи көріністермен танысты: «Көненің үні» – ақын-жырау, ақындар мен қүйшілік, жыршылық өнерді қолдаушы және ежелгі музикалық аспап – қобызды саз әлеміне әкелген Қорқыт ата туралы; «Монеталар сыңғыры» ҚР МОМ қорынан алынған шығыс және еуропа нумизматикасы бойынша бірегей коллекциялар туралы; «Дәстүрлі кестелеу және аппликация өнері» ұлттық ою-өрнекпен құралған дәстүрлі құрақ көрпе, сондай-ақ қалпына келтірілген кілем-киіз бүйімдары көрсетілді; «Қазақстанның ғарыш әлеміне саяхат» ғарышты игеру тарихы жайлы; «Қазақстан мергендері» «Командалық орталық» негізінде «Ардагер» Ауған соғысы ардагерлері және жергілікті қақтығыстар Республикалық қоғамдық одағының көмегімен Ұлы Отан соғысындағы қару-жарақтары үлгілерімен таныстырылды; «Шеберлер мүйісі» ұсталық және зергерлік шеберлікten көрініс көрсетті. Оған қоса мұражайда қазақтың дәстүрлі ойындары бойынша (асық ату), халық қолөнері мен ағаштан ойылған ойыншылар мен пішіндердің жасалуы және т.б. жайлы ШЕБЕРЛІК-САБАҚТАР өткізілді.

Мерекелік шарадан мұражай қорынан және жеке жинақ коллекциялардан үйімдастырылған көрмелер де ерекше орын алды. Атап айтқанда, «Көне басылымдар» – мұражай ғылыми кітапханасының сирек қорындағы XVIII-XX ғғ. жататын кітаптар; «Мүсін мәдениеті» - Алматы қаласының қазіргі заманғы суретші-мүсіншілері М.Жұнісбаева, К.Сатыбалдина, Д.Досмағамбетова, К.Дулатова, Н.Жұбаниязова, Т.Серікбаева, Т.Жұмағұлова, О.Рахимбекова, С.Битуғанова, Д.Сарбасова, Н.Болатбекова, Б.Қайранбаева және т.б. бірегей авторлық жұмыстары, сонымен қатар Швецияның ҚР-ғы елшілігімен бірлесе үйімдастырылған швед суретшісі Түве Крабоның «Қылмыс орындары: Алғашқы наизағай» көрмесі үсындылды.

«Мұражай түні - 2017» шарасына 12 БАҚ ақпараттық қолдау көрсетіп, сұқбаттар мен түсірілімдер жасады.

**Сымбат Баққұлова,  
Қазақстан Республикасы орталық  
мұражайының қызметкери**